

**Uunga siunnersuut: Inatsisartunut aalajangiiffigisassatut siunnersuut Naalakkersuisut peqquneqassasut siunnersuuteqaqqullugit eqqussukkanut akitsuutit pillugit inatsisartut inatsisaat nr. 19 30. oktober 1992-imeersup allangortinneqarnissaanik, taamaasillutik kaffinnut akitsuutit eqqartorneqartoq § 1, nr. 11 atorunnaarsillugu.**

(Inatsisartunut ilaasortaq Jens-Frederik Nielsen, Demokraatit)

**Uunga siunnersuut: Inatsisartunut isummerfigisassatut siunnersuut Naalakkersuisut peqquneqassasut siunnersuuteqaqqullugit eqqussukkanut akitsuutit pillugit inatsisartut inatsisaat nr. 19 30. oktober 1992-imeersup allangortinneqarnissaanik, taamaasillutik tiinut akitsuut eqqartorneqartoq § 1, nr. 12 atorunnaarsillugu.**

(Inatsisartunut ilaasortaq Jens-Frederik Nielsen, Demokraatit)

**Uunga siunnersuut: Inatsisartunut aalajangiiffigisassatut siunnersuut Naalakkersuisut peqquneqassasut siunnersuuteqaqqullugit eqqussukkanut akitsuutit pillugit inatsisartut inatsisaat nr. 19 30. oktober 1992-imeersup allangortinneqarnissaanik, taamaasillutik neqinut akitsuutit eqqartorneqartoq § 1, nr. 13-17 atorunnaarsillugu.**

(Inatsisartunut ilaasortaq Jens-Frederik Nielsen, Demokraatit)

**Uunga siunnersuut: Inatsisartunut aalajangiiffigisassatut siunnersuut Naalakkersuisut peqquneqassasut siunnersuuteqaqqullugit eqqussukkanut akitsuutit pillugit inatsisartut inatsisaata allangortinneqarnissaanik, taamaasillutik sukkunut, lakridsinut sukkulaatinut il.il. akitsuutit atuutilersinneqartup § 1, nr. 1-2, Inatsisartut inatsisaanni nr. 23 18. november 2019, atorunnaarsinneqassasut.**

(Inatsisartunut ilaasortaq Jens-Frederik Nielsen, Demokraatit)

### **Akissuteqaat**

(Aningaasaqarnermut Nunamullu Namminermt Tunngassutilinnut Naalakkersuisoq)

### **Aappassaaneerinnineq**

Aningaasaqarnermut Akileraartarnermullu Ataatsimiititaliap aalajangiiffigisassatut siunnersuutiniq suliaqarnermi sukumiisumik sulineranik Naalakkersuisut qujassutigaat.

Ataatsimiititaliami amerlanerussuteqartut Naalakkersuisut allannguutissatut siunnersuutaat tunuliaqutaralugu Inatsisartunut aalajangiiffigisassatut siunnersuut tulliuuttoq saqqummiuppaat:

”Nioqutissanik eqqussuinermi akitsuutit aalajangiiffigisassatut siunnersuutini taaneqartut, akileraartarnikkut akitsuusiisarnikkullu aaqqissuusseqqinnissamut pilersaarutaasumut ataqatigiissillugit Inatsisartunilu partiit tamarmiusut akuutillugit, qinigaaffimmi matumani allanngortinneqarsinnaanerannut periarfissat misissoqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut.”

Ataatsimiititaliami amerlanerussuteqartut taamaalillutik akileraartarnermut aaqqissuusseqqinnissamik sulinissap ersarinnerusumik sinaakkuserneqarnissaanik kissaateqartut Naalakkersuisut maluginiarpaat.

Aningaasaqarnermut Akileraartarnermullu Ataatsimiititaliami amerlanerussuteqartut allannguutissatut siunnersuutit saqqummiussaap Naalakkersuisut taperserpaat.

Naalakkersuisut taama oqaaseqarlutik siunnersuut Inatsisartuni suliarineqartussanngortippaat.